

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima za uplatu doprinosa u svrhu penzionisanja zaposlenika“, („Službene novine Federacije BiH“, broj 41/17) Federalno ministarstvo energije, rudarstva i industrije o b j a v l j u j e

**JAVNI POZIV  
ZA KANDIDOVANJE PROGRAMA UTROŠKA DIJELA SREDSTAVA UTVRĐENIH  
U RAZDJELU 17. BUDŽETA FEDERACIJE BOSNE I HERCEGOVINE ZA 2017.  
GODINU FEDERALNOM MINISTARSTVU ENERGIJE, RUDARSTVA I  
INDUSTRIJE „TEKUĆI TRANSFERI I DRUGI TEKUĆI RASHODI – SUBVENCije  
PRIVATNIM PREDUZEĆIMA I PODUZETNICIMA ZA UPLATU DOPRINOSA U  
SVRHU PENZIONISANJA ZAPOSLENIKA“**

**I. PREDMET POZIVA**

Predmet poziva je prikupljanje zahtjeva za odabir korisnika grant sredstava, u skladu sa Programom utroška dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima za uplatu doprinosa u svrhu penzionisanja zaposlenika“ (u daljem tekstu: Program), („Službene novine Federacije BiH“, broj 41/17).

**II. PRAVO UČEŠĆA**

Pravo učešća na Javnom pozivu imaju preduzeća u poteškoćama ili stečaju sa sjedištem u Federaciji Bosne i Hercegovine, čija je osnovna djelatnost vezana za sljedeće sektore industrijske proizvodnje:

- Metalna, elektro i automobilska industrija,
- Građevinska industrija,
- Drvena, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike,

te da zapošljavaju najmanje 20 zaposlenika.

**III. SVRHA DODJELE GRANT SREDSTAVA**

Dodjela grant sredstava odnosi se na finansiranje neizmirenih obaveza preduzeća po osnovu uplate doprinosa zaposlenicima koji ostvaruju uslove za penzionisanje do kraja budžetske 2017. godine.

Dodjela grant sredstava se vrši za izmirenje dugovanja preduzeća za neuplaćene doprinose po osnovu obaveza za PIO/MIO, zdravstveno osiguranje i osiguranje od nezaposlenosti zaposlenicima koji su stekli uslove za odlazak u penziju.

#### **IV. KRITERIJI ZA IZBOR KORISNIKA**

Korisnici grant sredstava po ovom Javnom pozivu su preduzeća u poteškoćama ili stečaju sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 2. ovoga Javnog poziva, te da zapošljavaju najmanje 20 zaposlenika.

Pri izboru korisnika grant sredstava uzeće se u obzir sljedeći kriteriji:

1. Broj zaposlenih koji će ovim Javnim pozivom i Programom biti penzionisani;
2. Broj zaposlenih u preduzeću;
3. Teritorijalna zastupljenost – ravnomjerna zastupljenosti korisnika s cijelog područja Federacije Bosne i Hercegovine, odnosno kantona.

Napomena:

- prilikom formiranja liste sa imenima zaposlenika iz istog preduzeća, a koji ostvaruju pravo po ovom Javnom pozivu i Programu, prednost će imati zaposlenik sa ranijim datumom sticanja prava na penziju.

#### **V. SREDSTVA PREDVIĐENA ZA DODJELU**

Sredstva za provođenje ovog Javnog poziva i Programa utvrđena su u razdjelu 17., ekonomski kod 614 Budžeta Federacije Bosne i Hercegovine za 2017. godinu.

Navedena sredstva su grant sredstva Federalnog ministarstva energije rudarstva i industrije (u daljem tekstu: Ministarstvo).

Budžetom Federacije Bosne i Hercegovine u 2017. godini, Federalnom ministarstvu energije, rudarstva i industrije, u Razdjelu 17. „Tekući transferi i drugi tekući rashodi – Subvencije privatnim preduzećima i poduzetnicima za uplatu doprinosa u svrhu penzionisanja zaposlenika“ obezbijeđeno je ukupno sredstava u iznosu od 500.000,00 KM.

Maksimalan iznos grant sredstava koji može biti dodijeljen jednom privrednom društvu je do 150.000,00 KM.

Privatna preduzeća po ovome Javnom pozivu i Programu mogu ostvariti pravo na dodjelu sredstava samo po jednom podnesenom zahtjevu.

#### **VI. TRAJANJE PROGRAMA**

Program traje do utroška sredstava a Javni poziv će biti otvoren 15 dana od dana zadnje objave.

#### **VII. PROVOĐENJE PROGRAMA**

Zahtjev za prijavu na Javni poziv, potencijalni korisnici grant sredstava trebaju dostaviti uz slijedeću dokumentaciju:

- Spisak zaposlenika koji su ostvarili uslove za odlazak u penziju isključivo usaglašen sa podacima iz nadležne Porezne ispostave sa datumom sticanja tog prava (najkasnije do 31.12. 2017. godine) i iznosom duga po osnovu doprinosa za PIO/MIO, zdravstveno osiguranje i osiguranje od nezaposlenosti ovjeren i potpisan od strane nadležnog lica preduzeća i nadležne Porezne ispostave,
- Rješenje o registraciji sa svim izmjenama i dopunama,
- Aktuelni izvod iz sudskog registra (ne stariji od 30 dana),
- Statut i odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 20 zaposlenika),
- Ostala dokumentacija u skladu sa zahtjevima Ministarstva, kao i dokumenti za koje klijent smatra da su interesantni.

Napomena: Zahtjev za dodjelu grant sredstava može se preuzeti na web stranici Ministarstva ([www.fmeri.gov.ba](http://www.fmeri.gov.ba)).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

## **VIII. PRIPREMA**

Pismeni zahtjev za dodjelu grant sredstava sa potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandumu društva, potpisan od strane ovlaštenog lica sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvna, papirna i grafička industrija; Proizvodnja tekstila, kože i obuće; Hemijska industrija i industrije gume i plastike).

Zahtjev za dodjelu grant sredstava sa odgovarajućim priložima i dokumentacijom iz poglavlja VII. Javnog poziva, dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Javnom pozivu za kandidovanje Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima za uplatu doprinosa u svrhu penzionisanja zaposlenika“.

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Federalno ministarstvo energije, rudarstva i industrije mora o tome biti obaviješteno u pisanoj formi. Izmjena ili povlačenje zahtjeva mora biti izvršena u skladu sa ovim poglavljem. Osim toga, na

koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluke o izboru korisnika grant sredstava se objavljuju u „Službenim novinama Federacije BiH“ i na službenoj web stranici Ministarstva.

Ovaj poziv ostaje otvoren petnaest (15) dana od dana posljednjeg javnog objavljivanja, a objaviti će se u “Službenim novinama Federacije BiH” i dnevnim novinama “Dnevni avaz” i “Večernji list”.

Nepotpune i neblagovremene prijave neće biti uzete u razmatranje.

Detalji vezani za podnošenje zahtjeva, osim u Javnom pozivu, mogu se vidjeti i u Programu, objavljenom u „Službenim novinama Federacije BiH“, broj 41 /17, kao i na službenoj internet stranici Federalnog ministarstva energije, rudarstva i industrije: [www.fmeri.gov.ba](http://www.fmeri.gov.ba)